



ATASSUT INATSISARTUNI

ATASSUT

UKA 2013/7-2

Gerhardt Petersen

06.11.13

2014-mut Inatsisartut aningaasanut inatsisissaannut siunnersuut.

(Aningaasaqarnermut Nunamullu Namminermut Naalakkersuisoq)

2014-mut Inatsisartut aningaasanut inatsisissaannut siunnersuutip
aappassaaneerneqarnissaani ATASSUT-mit makkuninnga
oqaaseqaateqassaagut:

Torrak, isumalluarnaq, Kalaallit Nunatta aningaasatigut ataqatigiissumik
siunnerfilimmillu aqunneqarnissaanut sakkussagut aatsaat taamak
pitsaatigilerput, ukiorpassuit piareersareerluta nunatta pisuussutai
uumaaatsut inuaqatigiit aningaasarsiornerannut annertuumik tapertaasussat
timalersorneqarnissaannut aatsaat taamak periarfissarissaartigilerpugut.

ATASSUT-mit isumaqarpugut killiffitsinni isumalluarnissatsinnut
pissutissaqarluartugut.

ATASSUT-mit nangaanngilagut ukiuni tulliuttuni siunnerfilimmik nunatta
karsiata amigartooruteqartinnissaanik siunnerfeqarnermut, tassuuna
Naalakkersuisut tamakkiisumik tapersorsorpavut.



ATASSUT INATSISARTUNI

ATASSUT-mit iluarisimaakkatsinnik inatsisisap
naammassineqaleraluttuarnerani Inatsisartut Aningaasaqarnermut
Ataatsimiititaliaata qulaajaaneq annertoorujussuaq ingerlappaa.

Taamatuttaaq ATASSUT-mit iluarisimaakkatsinnik Aningaasaqarnermut
Naalakkersuisoq partiinut tamanut neqerooruteqarpoq aningaasanut
inatsisisap iluseriligassaanut peqataaqqusilluni isumaqatiginninniarnerit
ingerlappai, periarfissarlu tamanna ATASSUT-mit atorluarpalput.

Taamatulli oqareerluta ATASSUT-mit ilisimavarput aningaasat qilammit
aputitut nakkakaaginnartuunngitsut, nalunngilarput Kalaallit Nunatta
atingaasarsiornikkut killiffia qajannartumiittooq, taamaammallu
isumatuumik patajaatsumik sukannersumillu ingerlatsisoqartariaqartoq.

- Utoqqartavut isumassorneqartussat amerliartorput,
- sulisinnaasut ikiliartorput,
- peqqinnissaqarfiup kiffartuussinera suli nalimmassagassaavoq,
- nunatsinni angerlarsimaffiit aalaakkaasumik
aserfallatsaalineqarsimanninnerisigut iluarsagassat
atingaasarpassuarnik nalillit siunissatsinniippuit,



ATASSUT INATSISARTUNI

- meeqqat atuarfii aserfallassimaqisut iluarsagassat suli amerlaqaat, suliffissaaleqisut, taamaalillutilu pisortanit isumagineqartariaqartut amerlavallaarput,
- sinerissami suliffeqarfuit suliassameerput, ilarpassuila ilanngullugit.

Taamaammat ATASSUT-mit piumasaqaativut isumaliutigeqqissaarsimavagut, piviusorsiortumillu aningaasaqarnikkut ingerlatsisoqartariaqarmat kissaativut 2014-mi ukiunilu missingersuusiorfiusuni 2017-ip tungaanoortuni aningaasartaqarsinnaanissaat soorunami eqqanaarniarsimavarput.

ATASSUT partii pilersinneqarmalli allatigut isertitassaarunnermi periarfissaarunnermilu akileraarutit akitsuutilu aqqutigalugit aatsaat aningaasanik aallertoqartarnissaa anguniartuarparput, massakkulli allatut iliorusuprugut.

Naalakkersuisut siuliisa akileraarummik appasimanerat patsisiliullugu isertitakinnerit aningaasatigut oqilisaaffigineqarnissaat iluatsinngilaq.

Paasinarsereerpoq isertitakinnerit iluaqtissinneqarnerat annikitsuararsusoq illuatungaanilu isertitaqqortunerit iluaqtissinneqarnerat annertunerusoq.



ATASSUT INATSISARTUNI

Tamanna inuiaqatigiinni pissakinnerusortatsinnut naapertuunngilaq isumarpullu naapertorlugu piaartumik iluarsineqartariaqarpoq, pingaartumik ilaqtariit meerartallit eqqarsaatigalugit.

Taamaammat ATASSUT-mit poortornagu oqaatigissavarput akileraarutip 1 procentimik apparneqarsimanera torrallataanngitsoq iluarsiivigineqarnissaa siunnerfigalugu sulisoqarnissaa piumasarigatsigu.

Matumuunalu 2014-mut aningaasanut inatsisissatut siunnersuutip suliareqqinnejarnissaanut siunnersuutigissavarput nuna tamakkerlugu akileraarut 1 procentimik qaffaqqinnejassasoq aningaasallu taakku ilai ilaqtariinnut meeratalinnut isertitakinnerpaanut toqqaannartumik tutsinnejassasut.

Inatsisartuni partiit tamatta piumassuseqartariaqarpugut meeqqat inuusuttullu imminnut pilersorsinnaangitsut kaallutik innartariaqartartut atisassamikkullu katataasimasut piaernerpaamik iliuuseqarfigineqarnissaannut.

ATASSUT-mit 21 mio. kr. meeqqanut inuusuttunullu suli imminnut pilersulersimanngitsunut atorusuppagut, tamannalu pissaaq meeqqanut tapit iluarsiivineqarnerisigut, tamannalu ajornaquteqanngitsumik aningaasanut inatsit aqqutigalugu isumannaarneqarsinnaavoq.



ATASSUT INATSISARTUNI

Konto pingaardeq 30.10.32 Meeqqanut tapiissutit ullumikkut 41 mio. kr.-
inik aningaasartaqarpoq.

Taanna imaaliallaannaq allanngortissinnaavarput aningaasartai
ningaasanut inatsisitigut aaqqitaagamik, tassa inatsisinik
allanngortiterinngikkaluarluta meeqqanut tapit qaffaasinnaavugut.

Tassa imaappoq 1. januar 2014-mi inuiaqatigiinni isertitakinnerpaat
meeqqaminnut atugassaat aningaasat qaffassinnaavagut
ajornaquteqanngitsumik.

Ullumikkut SIK-p isumaqatigiissutai naapertorlugit akissarsiat
appasinnerpaaffiat tunngavigalugu kisitsisitaqartinneqarput imaappullu:

130.000 kr. tikillugu isertitaqartunut ukiumut 7.637 kr. meeqqanut
tapiissutigineqartarput

180.000 kr. tikillugu isertitaqartunut ukiumut 5.163 kr. meeqqanut
tapiissutigineqartarput

280.000 kr. tikillugu isertitaqartunut ukiumut 2.870 kr. meeqqanut
tapiissutigineqartarput

1. januar 2014-mi ATASSUT-ip imaalitikkusuppi:



ATASSUT INATSISARTUNI

130.000 kr. tikillugu isertitalinnut ukiumut 12.000 kr. meeqqanut
tapiissutigineqartalissapput

180.000 kr. tikillugu isertitalinnut ukiumut 8.000 kr. meeqqanut
tapiissutigineqartalissapput

280.000 kr. tikillugu isertitalinnut ukiumut 4.000 kr. meeqqanut
tapiissutigineqartalissapput

Taamatut qaffaasoqassappat 21 mio. kr. nassaarineqassapput, taakkulu
nuna tamakkerlugu akileraarutip iluarsiivigineqarneratigut
matussuserneqarsinnaapput.

ATASSUT-mit isumaqarnarpugut meeqqat inuusuttullu kaallutik
innartariaqartarnerat atisarlutsitaasarnerallu pinaveersimatissagutsigu
alloriarneq taanna pisariaqartoq, apeqqutaaginnarpoq partiit allat
piumassuseqarnersusi.

Matumani aamma eqqaamaneqartariaqarpoq meeqqat kaannatik ullaakkut
atuariartoraangamik ilikkarsinnaassusiat annertunerujussuusarmat,
taamaammat matumani taamatut aningaasaleerusunnerput inuiaqatigiinnut
atingaasaliinerussaaq naggataatigut taamannariaatinngorluni utertussaq.



ATASSUT INATSISARTUNI

Aningaasanut inatsisissatut siunnersuut pillugu oqareernitsitut arlaleriarluta Aningaasaqarnermut Naalakkersuisoq ATASSUT-mit naapeqatigisarparput.

Ilaatigut tassani tikkuarnikuuvapput Naalakkersuisut siuliisa akileraarummik appasimanerat isertitakinnerusunut iluaquataangaarsimannginnera innersuussutigalugu, akileraarut inisseqqueriarlugu pisariaqartitsisunut aningaasartai toqqaannartumik atorneqarsinnaasut, akileraarullu iniminut iluarseqqinneqarpat aningaasat immini inissereertussaapput.

Akileraarummik qaffaasoqassanngippat amigartoorutaasussat ilaneqarsinnaanissaat ATASSUT-mit nangiarinngilarput ilaatigut akileraatitigut isertitaqarnerulertoqarnissaanut ilimasunnerput pissutaalluni.

Tassami London Mining aningaasaliisussaminik piaartumik pissarsisinnaassappat sulisut akileraarutaasigut isertitassat malunnaatilimmik amerleriartussaammata.

Tamatuma saniatigut ATASSUT-mit kissaatigaarput inuiaqatigiit atugarissaarnerat suli annertusarneqarsinnaaqqullugu peqqinnissaqarfimmut aningaasaleeqqittoqassasoq.



ATASSUT INATSISARTUNI

ATASSUT-mit kissaatigaarput suliaritinnissaminnut utaqgisut pillugit immikkut suliniuteqarneq ingerlaannassasoq tamatumalu saniatigut innuttaaqativut kræftimik eqqugaasimasut piaartumik immikkut iliuuseqarfigineqarnissaat kissaatigalutigu.

Naak massa inooriaatsimut tunngatillugu napparsimalersimasut aammalu namminneq pisuussutiginngisaminnik napparsimalersimasut peqqinnissaqarfimmit tamaviaarluni kiffartuunneqaraluartut peqqinnissaqarfiup kiffartuussinera patajaallisarneqanngippat amerlanerusunillu aningaasaliiffigineqanngippat utoqqalisortatta isumassorneqarnissaasa saniatigut innuttaasut sulisinnaagaluit napparsimanertik pissutigalugu sivikinnerusumik sivisunerusumilluunniit sulisinnaangitsut amerlavallaarujuussuassapput, tamannalu inuiaqatigiit peqqissunik imminut napatissinnaasunik pilersitsiniarnitsinnut kigaallassaataajuassaaq.

Taamaammat ATASSUT-mit siunnersuutigissavarput pisortat ingerlatsiviisa sipaarniarfigineqarneranni peqqinnissaqarfik eqqorneqassanngitsoq, paarlattuanilli nukitorsarneqassasoq, tamanna aamma naapertuuppoq ATASSUT-mit qangaaniilli anguniartuarsimasatsinnut, tassalu peqqinnissaqarfik pillugu



ATASSUT INATSISARTUNI

tamakkiisumik Inatsisartuni partiit isumaqatigiissuteqarnissaannik ukiorpassuanngortuni piumasaqaateqartarnitsinnut.

Tamatuma saniatigut ATASSUT-mit piumasaraarput aalisarneq, piniarneq nunalerinerlu malunnaatilimmik nutarteriffiqineqassasut, tamannalu pissasoq ESU-mut taartaasutut taaneqarsinnaasumik pilersitsoqarneratigut.

Ukiummi tamaasa aningaasaliisoqartarpoq inuussutissarsiutit pineqartut siuarsarneqarnissaannik siunertaqartumik. Siunertarli pitsagaluaqisoq aalisariutaatilinnit, piniartunit nunalerisunillu annikitsuinnarmik atorneqartarput, piumasaqaatit naammassineqarsinnaanngitsut taakkununnga sassaalliuqeqartarmata.

Assersuutigiinnarlugu konto pingarneq 50.06.50, Aalisarnermut aningaasaliissutinut immikkoortitat oqaatigilluaannarlugu aalisarnermik inuussutissarsiuteqartunit attorneqarumaneq ajorput, nalunnginnamikku aalisariutaatitik pisoqalisut atorunnaassagaluarunikkit aalisarnermut allagartatik annasussaagamikkit.

Aningaasanut inatsisisatut siunnersuut saqqummiunneqaqqaarmat 45 mio. kr. aningaasaliissutigineqassasut siunnersuutaavoq, massakkulli aappassaneerinninnermi ATASSUT-mit siunnersuutigissavarput



ATASSUT INATSISARTUNI

aninggaasaliussat taakku iluini aninggaasaateqarfittut aaqqissuussamik periarfissiisoqassasoq.

Taamaaliornikkut aninggaasat ilai aalisarnermik, piniarnermik nunalerinermillu inuussutissarsiuteqartut nutaamik inuussutissarsiuteqalernissaminnut imaluunniit ingerlateriikkamik patajaallisaanissamut/annertusaanissamut atugassaminnik taarsigassarsiffigisinnaanngortinnejassalluni.

ATASSUT-mit qularutiginngilluinnarpalput aninggaasaateqarfimmik taamatut aaqqissuussamik pilersitsisoqarpat inuussutissanik immitsinnut pilersornerput nukitorsarneqaannarani aammali avammut tunisassiorsinnaanerput pitsaasumik toqqammavilerneqassasoq, aammalu aninggaasat taarsigassarsiarneqartut utertinneqarpata kinguaariit akunnattoornatik akunnerminni nikissinnaanerat pitsaasumik periarfissinnejassasoq.

ATASSUT-mit kissaatigisatta pingaaruteqarluinnartut ilagaat aalisarnermik piniarnermillu nakkutiliisut pitsaanerpaamik atugassaqartitaallutik sulisinnaanissaat.

Nunatta iluani torersumik inatsisillu naapertorlugit aalisarneq piniarnerlu ingerlanneqartariaqarpoq, ajoraluartumilli aalisarnerup piniarnerullu



ATASSUT INATSISARTUNI

nakkutigilluarneqarnissaat pisariaqarluinnarpoq innuttaaqatigiit
akornatsinni inatsisit piumasaqaatillu malillugit ingerlatsisoqarnissaanik
piumasaqaativut sukanneraluaqisut unioqqutinnejartarnerat
qimarratigisinnaannginnatsigu.

Taamaammat ATASSUT-mit piumasaraarput konto pingarneq 51.01.05,
Kalaallit Nunaanni Aalisarsinnaanermut Akuersissutinik
Nakkutilliisoqarfik aamma Piniarnermik Nakkutilliisoqarneq, pillugu
iluarsartuussisoqassasoq tassanilu eqqanaarneqassasoq aalisarnermik
piniarnermillu nakkutilliisut atugassarisaat minnerpaaffeqartinnejassasoq,
taamaaliornikkullu qulakkeerneqassasoq sineriassuarmi isorartoqisumi
nakkutilliisinnaanissaminut periarfissaat annerpaatinnejassasoq.

ATASSUT-mit naqissuseqqissavarput nunatta silaannakkut
angallaffigineqarnerata sanaartorfigineqarnerani Qaqortumi suluusalinnut
mittarfilioroqarnissaanik Naalakkersuisut siunertaqarnerat tamakkiisumik
tapersororatsigu naatsorsuutigigatsigulu 2014-mut aningaasanut
inatsisissatut siunnersuummi pilersaarusiорнеранут aningaasaliissutissat
ilanngunneqassasut.

ATASSUT partiiuvoq kulturitoqatsinnik pingaartitsilluinnartoq,
tamaammat matumani aamma piumasarissavarput Avannaata



ATASSUT INATSISARTUNI

Qimussersuanik aaqqissuisarneq ukiut tamaasa pisartoq pisortatigoortumik tapersersorsorneqassasoq.

Taamaammat ATASSUT-mit kissaatigissavarput aningaasanut inatsisissap pingajussaaneerneqannginnerani ilanggullugu qulakkeerneqassasoq Avannaata Qimussersuanik aaqqissuussisartut aningaasatigut tapiiffigineqarnissaminnut eqqanaarunneqarnissaat, taamaaliunngikkutta qimussernermik kulturitoqarput navianartorsiortilertussaagipput ATASSUT-mit qularutiginnginnatsigu.

2014-mut Inatsisartut aningaasanut inatsisissaannut siunnersuutip siullermeerneqarnerani oqaaseqaatigut innersuussutigalugit matumanilu aappassaaneerinninnermi piumasaqaatigut erseqqissareerlugit kiisalu Inatsisartut Aningaasaqarnermut Ataatsimiitaliaata isumaliutissiissutaa aammalu Naalakkersuisut allannguutissatut siunnersuutigisaat, innersuussutigalugit ATASSUT-mit inassutigissavarput siunnersuut pingajussaaneerneqartinnagu Inatsisartut Aningaasaqarnermut Akileraartarnermullu Ataatsimiitaliaannut suliassanngortinnejassasoq.